

皇朝藩屬輿地叢書

東坡先生集卷之四

光緒丁酉
中冬校印

塞行

北紀

武進費念慈



塞北紀行

滿江紅 趙鼎

元張德輝撰

上關白溝橋以達於燕居旬日而行北過雙塔堡新店驛入南口度居庸關出

關之北口則西行經榆林驛雷家店及於懷來縣之東有橋中橫木而上下皆
石橋橋之西有居人聚落而縣郭蕪沒西過雞鳴山之陽有邸店曰平輿其巔
建僧舍焉循山之西而北沿桑乾河以上河有石橋由橋而西乃德興府道也
北過一邸曰走防水經石梯子至宣德州復西北行過沙嶺子口及宣平驛驛
出得勝口抵扼胡

改尾河

嶺下有驛曰孛落自是以北諸驛皆蒙古部族所分主

也每驛各以主者之名名之由嶺而上則東北行始見義幕羶車逐水草畜牧
而已非復中原之風土也尋過撫州惟荒城在焉北入昌州居民僅百家中
有廨舍乃國王所建也亦有倉廩爲州之鹽司州之東有鹽池周廣可百里土人
謂之狗泊以其形似故也州之北行百餘里有故壘隱然連亘山谷壘南有小
廢城問之居者云此前朝所築堡障也城有戍者之所居自堡障行四驛入沙

陀際陀及所無塊石寸壤遠而望之若岡陵邱阜然至則皆積沙也所宜之木
榆柳而已又皆禱散而發生其水盡鹽鹵也凡經八驛而出陀復西北行一驛
通魚兒泊泊有二焉周廣百餘里中有陸道達於南北岸泊之東涯有公主離
宮宮之外垣高丈餘方廣二里許中建寢殿夾以二室背以龜軒旁列兩廡前
峙高樓登之頗快目力宮之東有民匠雜居稍成聚落中有一樓榜曰迎暉自
泊之西北行四驛有長城額址望之綿延不盡亦前朝所築之外堡也自外堡
行一十五驛抵一河深廣約十渰沱之三北語云翕陸連

譯改音 漢言驢駒河

也夾岸多叢柳其水東注甚湍猛居人云中有魚長可三四尺春夏及秋捕之

皆不能得至冬可鑿冰而捕也灤河之民漢雜以蕃稍有居室皆以土冒之亦

頗有種藝麻麥而已河之北有大山曰窟速吾

譯改略 喇傲拉

漢言黑山也自一舍之

外望之默然若有茂林者迫而視之皆蒼石也蓋常有陰靄之氣覆其上焉自

黑山之陽西南行九驛復臨一河深廣深皆

一本改 作如

翕陸連之比

一本作 其三

之大若水之口捕法亦如之其水始西流深急不可涉北語云渾獨刺漢言

淵

兒也遵河而西行一驛有契丹所築故城可方三里背山面水自是水北流矣

自故城西北行三驛過畢兒乾都

譯改伯勒赫圖

乃弓匠積養之地又經一驛過大澤

泊周迴六七十里水極澌澌北語謂吾誤竭騰兒

譯改烏蘇微諾尔

自泊之南而西分

道入和林城相去約百餘里泊之正西有小故城亦契丹所築也由城四望地

勢平曠可百里外皆有山山之陰多松林瀕水則青楊鰲柳而已中郎和林川

也居人多事耕稼悉引水灌之間亦有蔬圃時孟秋下旬糜麥皆穡問之田者

云已三霜矣由川之西北行一驛過馬頭山居人云上有大馬首故名之自馬

頭山之陰轉而復西南行過忽蘭赤斤

譯改呼蘭齊勒

乃奉部曲民匠種藝之所有水

曰塌米

譯改塔米尔

河注之東北又經一驛過石堆石堆在驛道旁高五尺許下周

四十餘步正方而隅巍然特立於平地形甚奇峻遙望之若大墩然由是名焉

自堆之西南行三驛過一河曰唐古以其源出於西夏故也其水亦東北流水

之西有峻嶺嶺之石皆鐵如也嶺陰多松林其陽帳殿在焉乃避暑之所也迨

中秋後始啟行東由驛道過石堆子至忽蘭赤斤

山名以其形似紅耳也

東北道遷入陀

山自是且行且止行不過一舍止不過信宿所過無名山大川不可殫述至重

九日王

原

麾下會於大牙帳灑白馬湏修時祀也其什器皆用禾稈不以金銀

爲飾尙質也十月中旬方至一山峽間避冬林木甚盛水皆堅凝人競積薪儲
水以爲禦寒之計其服非毳革則不可食則以羶肉爲常粒米爲珍比歲除日
輒遷帳易地以爲賀正之所日大宴所部於帳前自王以下皆衣純白裘三日
後方詣大牙帳致賀禮也正月晦復西南行二月中旬至忽蘭赤斤東行至馬
頭山而止趁春水飛放故也四月九日率麾下復會於大牙帳灑白馬湏什器
亦如之每歲惟重九四月九凡致祭者再其餘節則否自是日始回復由驛道
往西南避夏所也大率遇夏則就高寒之地至冬則趨陽暖薪水易得之處以
避之過此以往則今日行而明日留逐水草便畜牧而已此風土之所宜習俗
之大畧也僕自始至迨歸遊於王庭者凡十閱月每遇燕見必以禮接之至於
供帳衾褥衣服食飲藥餌無一不致其曲則眷顧之誠可知矣自度衰朽不才
何以得此哉原王之意出於好善忘勢爲吾夫子之道而設抑欲以致天下之

賢士也德輝何足以當之後必有賢於隗者至焉因紀行李之本末故備誌之

戊申夏六月望日太原張德輝謹誌

右塞北紀行殘本得之臧唐汪氏舊稱張德輝紀行明人稱邊城紀行順德李侍郎改題今名遂從之按德輝字輝卿真富文城人元史卷一百六十三有傳少力學金貞祐間兵興家業殆盡試掾御史臺金亡北渡史天澤辟爲經歷官至元間參議中書省事所著紀行在戊申夏史稱丁未世祖在潛邸召見德輝戊申春二月間平帝崩位是斯紀之成正入立未決時也其曰遊於王庭原王之意出於好善忘勢云云似皆感激世祖語當是世祖召見後所作惜足本無可搜采汪鈔數葉中多脫訛烏程沈氏金山以東釋所引似較此本爲善然亦互有得失如尋過撫州沈作北過下校可云北入昌州北亦有倉廩爲州之鹽司沈作隸州際院及所沈作所及字似不應覆登周星論曰西字疑中有誤或汪鈔誤倒然詳讀全文語亦不礙達於南北岸沈無岸字春夏及秋捕之皆不能得沈作能行疑訛漢雜以蕃稍有居室沈作雜以蕃漢稍有屋宇下

云麻麥而已沈作麻豆麥深廣深皆翕陸連之比其魚之大若水之口捕

法亦如之沈作深廣加翕陸連三之一魚之大若水之

周星詒曰深廣下疑衍深字若水之

疑是其魚之大若之亦曰捕法亦如之然皆無本可據

漢言下闕一字沈本下有兔字周迴六七十

里水極澍澈沈周迴作周廣澈作徹糜麥皆稿

沈恩孚曰上云麻下周四麥此亦疑是麻字

十餘步沈作下開下云形甚奇峻沈作嵒峻東由驛道沈作東道所過無

名山大川沈亦作無

按下有不可殫紀句無字疑有沿訛

至重九日王下闕一字沈本下有

帥字水皆堅凝沈本無皆字東行至馬頭山而止沈作東行及復由驛道

往西南沈作西南往過此以往沈本無此字疑誤脫按沈氏所據亦祇斷

自德興以北則是書數十年前完本已不可得韓陵片石雖復剝蝕彌足

珍矣沈刻爲平定張氏校本據引微有關失疑張氏當時未見此書不敢

臆改古本也其第七葉上云尋復敗之于幹歡河

何秋濤朔方備乘卷三十五云卽幹歡河李文

田云歡字蓋難之誤

第十二葉上云金山之北皆謂其東北正今謂爾泰以東地按

地志無謂爾泰之名上云阿爾泰皆音之轉卽金山是謂寶阿之訛也增

志於後並以存疑丁酉冬夜元和胡祥錄

塞北紀行終

吳沈恩平校

西北域記

丁酉仲冬校印

西北城記

漸學廬叢書

謝濟世梅莊著

李文田曰俞浩西域攷古錄按謝公以雍正丙午戌烏里雅蘇台時連歲有
事於準夷謝以乾隆元年召起調籍十載西陲人以比劉安世稱爲鐵漢乃
蹤跡所至不廢嘯咏尤必窮高極
深盡其奇勝其胸中爲何如也

青塚

大青山之南曰歸化城城南三十里曰黑河河水西流其東北五里望之轟然
如山者曰昭君墓墓前有祠今廢天祿辟邪及旛磬猶存余以四月至塚草果
青然是時塞外草皆不白自以八月李文田曰錢良擇出塞紀畧亦如此說恐此塚亦不能獨青也
土人又云塚日三變辰如峰午如鐘酉如巖詳錄按玉篇巖音客切土音也是說也余尤疑之

蒙古一

自歸化城西北行至杭靄山所歷蒙古部落曰土默特曰吳喇忒曰毛明安曰
推河曰喀爾喀通代薪甌爲屋夏秋酪漿冬春羶肉未六十齒脫無男女觀凸
頤不漱沐不浴夏狐帽而羊裘女冠首而跣足

蒙古二

蒙古奉喇嘛舊矣考元史可知也自西藏之達賴喇嘛出而今信之尤篤稱曰活佛佛何知知前身

蒙古三

愚哉蒙古之醫也慘哉蒙古之葬也何以醫延喇嘛左心小腸脾胃腎石肺大腸肝膽命脈訣也黃連乾薑大黃訶子合爲散藥料也何以葬奉其棺柩鬼馬之屬請命於喇嘛其法有三一石壓一薪化一齒萎祥鑠按說文鷹犬齧而研聖祥鑠按集韻聖水土相和也爲三寸浮圖供奉之

蒙古四

古之貉甘取一今之貉什取一然有正賦無雜賦聞東北之喀喇沁什二之外十人賦一狼無以二羊代三十人賦一虎無以二牛代獵二賦一獵三賦二以被較此此猶而被繁也已

蒙古五

蒙古無刑而有罰罰以畜盜一罰九殺人如之然犯者頗少三代以下之中國似不逮焉嗚呼文質分而華彝判周孔之功也文網密而奸宄滋非周孔之罪也

蒙古六

蒙古之俗無客主客張幕輒走乞焉

詳錄按說文音於也从艸薦聲

食坐而貽脾

詳錄按玉篇脾別也博雅

裂脯因

詳錄按說文國下取物縮藏之从口从又讀若聶

齎與之乃去客至其幕徑入啜且啖夜宿既

匠前主代牧失償中國爭衅構訟析產閱牆行百里者必纏腰惠一餐者有德色此則華不如彝矣

喇嘛

喇嘛即釋子也以輪迴因果之說誘愚民入無父無君之教其罪均然釋子在中國諱淫諱殺曰募化曰慈悲喇嘛在塞外假岐黃之名擁妻子之奉鮮衣怒馬烹羊啖牛攘人橐囊殘人骸骨比於盜釋子竊也喇嘛強矣

輪迴